



## Universitätsbibliothek Paderborn

**Oratio Panegyrica Habita In Sacra Aede B. Mariae  
Aspricollensis Ipso Festo Assumptionis ejusdem Die**

**Venne, Franziskus vanden**

**Mechliniae, 1663**

Ad Aspervm Collem Sev Montem Acvtvm Cui nomine SS. Domini nostri  
Alexandri Septimi Pretiosissimum tradebat Tapetem Hieronymvs De  
Vecchiis. Abbas Montis Regalis, Ejusdem apud Belgas Internvncivs Ipso ...

**urn:nbn:de:hbz:466:1-12159**

AD ASPERVM COLLEM  
SE V MONTE M A C V T V M  
Cui nomine SS. Domini nostri

## ALEXANDRI SEPTIMI

*Pretiosissimum tradebat Tapetem  
HIERONYMVS DE VECCHIIS,  
ABBAS MONTIS REGALIS,  
Ejusdem apud Belgas  
INTER N V N C I V S*

*Ipsa Assumptæ in Cælis Virginis Festo die. 1662.*

### ACCLAMATIO

JACOBI LIBENTI, è Societate Iesu.

**I**LUSTRE Belgis Asperi-Collis jugum,  
Cui magna Montes Roma submittit suos,  
Suumque Quercus Itala submittit caput,  
Rutilasque *ustos Montium* inclinat comas  
Senense Sidus: exili, & Olympum supra  
Infer sereno verticem lætum polo:  
Tua festa canimus. Plaudite, & olivam manu  
Præferte Fauni, & fratribus junctæ melos  
Aptate Dryades, quasque nunc tempus petit,  
Miscete choreas: Ille supremum Imperi  
Nuper labantis columen, & pacis dator  
Tunc ille FABIUS, nunc ALEXANDER sacri  
Princeps senatūs, proximum Divis caput,  
Hæc tanta Monti gaudia & silvis facit.

Spectatis

P A N E G Y R I C A.

3:

Spectatis? ingentem arduis en quo viri  
 Auro rigentem, dædalâ pictum manu,  
 Humeris Tapetem vertere ad Sacræ Domus  
 Limen laborant: hunc ALEXANDER tuis  
 O Diva; quæ non Aspera in Monte Aspero  
 Residere gaudes, addi amat donariis,  
 In pacis arrham, cuius is partes agens  
 Cum Martis omnem attereret Europam furor,  
 Hoc Monte supplex, pedibus affusus tuis,  
 Tibi vota mille, mille concepit preces,  
 Tuumque ad aras obtulit Natum Patri  
 Pacem precatus. Ille nunc testem tui  
 In se favoris, nec minus testem suæ  
 Pietatis in te, pacis æternæ obsidem,  
 Mittit tuo Tapeta sacrandum jugo.  
 Aurora roseum læta reparabat diem,  
 Quo mortis olim de triumphatæ indices  
 Virgo resumens carnis exuvias, super  
 Cœrulea cœli spatia stellato intulit  
 Victrix Olympo, & major aligerum choris  
 Apposita Nato Mater. Hic est, hic Dies  
 Quem parva Sichem, quemque BERCHMANNI solum  
 Natale, & omnis Belgica æterno colet  
 Clarum triumpho. Luce vix ortâ, simul  
 Non martiali, sed triumphali sono,  
 Ortus tubarum clangor. extemplo, velut  
 Signo dato, progressa vis mortalium  
 Innumera tectis ( pars sub æthereo jove  
 Posuerat artus, non potens tectis capi )

*Dies the-  
mum*

G 3

Vifura

Visura pompam. tremuit immanem ferens  
 Mons ipse turbam, & mole se firmans suâ  
 Tanto onere gaudet. Prima pars pompæ fuit  
 Regalis Abbas Montium gerens vices  
 Etjam ipse Mons, non humilis, aliquando capax  
 Æquare Summos, ore & incessu gravis.  
 Arrigitur omnis turba conspectu viri,  
 Humerisque densum vulgus adnisu improbo  
 Adstare proprius certat & vultu frui.  
 Vbi cuncta conticuere, veneratus Domum,  
 Magisque Divam VECCHIUS: non me tuo  
 Nunc Diva sistit Monte, quæ & sistit tamen  
 Privata Pietas; fungar illius vices,  
 Cui claustra cœli æterna commisit tuus  
 Moderanda Natus. Ille non tuis quidem  
 Æquale meritis, attamen dignum suâ  
 Pietate munus per meas affert manus  
 Tapeta magnum, pacis in signum datæ,  
 Domitiique Martis: pedibus hunc, Mater, tuis,  
 In me Ille supplex sternit, atque orat sacris  
 Tua plurima inter dona suspendi tholis.  
 Hæc fatus, addit litteras formæ *Brevis*  
 Quas Belga, & omnis orbe ab extremo Advena,  
 Dum stabit Asper Belgico Collis solo,  
 Exosculandas ambitu magno petet.  
 Insequitur ingens cornua & lituos super  
 Clamor virorum; qualis Erymanthi jugis,  
 Placata domitâ nemora dum exultant ferâ,  
 Magnumque gratus Arcas Alcidæ canit.

Sublime

Sublime Acuti Montis in dorso caput  
Attollit Ædes, Principum augustus labor  
Patriæ Parentum, Belga quos sterili loco  
Fatis inquis conjuges nescit satis  
Deflere raptos, serus & flebit nepos:  
Austriacus ambo sanguis & divum genus,  
Stellata radiant tecta, ceu cœlo emula,  
Circumque fusis duplicant terris diem.  
Hâc Æde se mortalibus Matrem piam  
MARIA amat monstrare, & innumeris opem  
Afferre miseris: pauca quæ ex tot millibus  
Miracula non dubitata Belgarum Cato I. Lipsius  
Volvenda sæclis, auspice Alberto dedit.  
Hâc Æde ALEXANDER, ut primum tholo  
Suspensus alto cœpit agnoscî Tapes,  
Turbam stupentem tenuit in eodem gradu,  
Nunquam satis spectatus, ubi semper novi.  
Spectatur aliquid, Parte Supremâ facer  
Splendet Tiaras Clavibus fultus Sacris;  
Auro una fulget Clavium, argento altera.  
Geminum coruscat Crucibus & radiis latus.  
Tapete medio, CHISIÆ gentis decus  
Ad astra Seni verticem Montes agunt,  
Impositus alter alteri: at nullum polo  
Bellum minantur; quin & his pacem ferens  
Impendet Astrum, & fata quæ signat bona  
Implebit aliquis post ALEXANDRUM Nepos.  
Vtrimque lætis sacra Chaonio Iovi  
Surgit lacertis Arbor, & grato ambitu

Com-

Complexa Montes CHISIÆ haud unam parat  
 Stirpi Coronam, Principis nomen sacri,  
 Obliviosus ne quis involvat dies,  
 Annumque Sedis, imus ostentat Tapes.  
 Hæc tanta populus dona inexpletis stupens  
 Dum spectat oculis, ipsa spectandi sitis  
 Spectando crescit. Mixtus interea novo  
 Clamore plausus sidera iteratus ferit  
 Similis triumpho : vive delitium tuis  
 Amorque Belgis, aureæ pacis Pater,  
 Munificus, ingens, semper Augustus, pius,  
 Et quæ tuarum prima (rumpatur licet  
 Invidia) laudum, Originis labem procul  
 Nostrâ propulsans Virgine, an dicam tuâ ?  
 Est pulsa certè , oraculo Princeps tuo  
 Est pulsa labes : tuque ALEXANDRI vicem  
 Perfunde VECCHI , cresce quas in spes alit  
 Te Roma , quasque Belgica impleri voyet.

## ODE